

*sundum pravitatem interpretantium praesatura.* Indeque, quæ ex ipsius Spiritus S. schola S. antec. audivimus, laudatissima opera sequenti modo in Tractatu de interpretatione S. Scripturarum in ordinem redegit, B. Lutheri vestigia secutus, *Wolfg. Franzius*, ut p. 19. duas constituerit regulas, quæ, ut est in rubro libri illius, *B. Luthero ad felicissimam Papatus destructionem, in versione Bibliorum Germanica, & in Scripturarum, præter morem antea sub Papatu consuetum, explicatione, unice usitata & familiares fuere*; in quarum prima requiritur ipsa notitia Scripturæ in lingua sua quoad *voculam & quoad phraseologiam* nativa, in *secunda notitia integræ coherentia contextuum.* Et has duas regulas ita probatas reperit *B. Sal. Glassius Philol. S. Lib. II. Part. 2, p. 353*, ut, cum interpretem S. Scripturæ menti Spiritus Sancti conformiter instruere vellet, easdem cum *B. Franzio* retineret regulas. Neque ab eo recessit *B. Augustus Pfeifferus*, qui in *Crit. I. p. 117*, postquam subsidia Scripturam S. interpretandi, hodiè obvia, distinxisset in *externa* s. in artificialia, quorsum refert *res*, h. e. disciplinas, tam instrumentales, quàm principales, omnium, ut vocare solemus, facultatum, ac *interna* s. artificialia; & ad interna hæc duo retulisset, ἐμπνεύσιον & σύγκρισιν, sequentia profert: *Quot tendunt duo illa præcepta W. Franzii, pro intelligendis S. Bibliis.* Capit autem Vir incomparabilis, ut se ipsum explicat p. 118, vocem ἐμπνεύσιος speciatim, pro interpretatione tam *vocum* singularum quoad *emphasin* suam, & *veram latitudinem* usumque Biblicum, quàm *modorum loquendi* ac *idiorismorum.* Σύγκρισιν fieri ostendit *per analogiam*, tam *fidei*, quæ est summa doctrinæ divinæ ex apertissimis ac classicis Scripturæ S. locis collecta, quàm *Scripturæ S.*, s. harmoniam dictorum parallelorum, & *collationem* eorum, quæ textum dubium *antece- dunt* vel *consequuntur* proximè ac remotè, ut pateat tam *ordo tractandi textus*, quàm *circumstantiæ*, quis nimirum loquatur, & quomodo se habeant orationis *scopus*, *ocasio*, *locus* atque *modus.* Cæterùm illa indicasse h. l. sufficit. Conferri de omnibus ex professo potest ultimo nominatus *B. Vir in Tesaurus Herm.* unà cum *Franzio* atque *Glassio* ante laudatis, præter quos *Matth. Flacium*

*Flacium*